



59924



Mag. St. Dr. P

Febr. 1893

Carm. Ordinis F. B. M. V. Apex Theologiae sapientiae  
i. e. Conclusiones Suae Theologiae



Exemplum huiusmodi  
exemplum huiusmodi (Conclusiones  
sive theologiae sapientiae)



A P E X  
T H E O L O G I C Æ  
S A P I E N T I Æ,

Multi iugo Sacræ eruditionis culmine

S V C C R E S C E N S,

Propositis publicæ Disceptationi  
C O N C L U S I O N I B V S  
In Arenensi ad Cracouiam Carmelo

Sub tempus  
C O M I T I O R V M P R O V I N C I A L I V M  
O r d i n i s F F . B . M . V .



de Monte Carmelo,  
Prouinciæ Polonæ,  
Florentissimæ Nobilissimorum Ho-  
spitum Coronæ,

E X P O S I T V S.

*Anno venientis ad Minimos, Maximi Dei Hominis ;  
1681. die 22. Mens: Iunij. Horis pomeridianis.*

C R A C O V I Æ, Typis Vniuersitatis.



I N S T E M M A

Reuerendissimi Patris.



59924<sup>iii</sup>

Candida succrescunt trino Tibi Lilia flore,  
Et triplex rutilo, sydere stella micat:  
Vt niueo castos prodant in pectore mores,  
Accendunt nitidas, Astra vel ipsa faces.



Supremo Orbis HELIANI Præsidi,  
REVERENDISSIMO PATRI,

P. FERDINANDO  
TARTAGLIA,  
SACRÆ THEOLOGIÆ MAGISTRO,  
Totius Ordinis Fratrum B. ac Gloriosissimæ DEI  
Genitricis, semperq; V. MARIÆ de Monte Carmelo  
PRIORI GENERALI.  
Commissario & Visitatori Apostolico,  
Sacræ Congregationis Indicis Consultori

Patri ac Patrono Colendissimo.



*Vi sublimia inter Scientiarum fastigia, cæ-  
lis ipsis primæum culmen insert, Theolo-  
gica Sapientiæ apex, Tibi Magnoq; No-  
mini Tuo, prona se veneratione inclinat*  
REVERENDISSIME PATER. Non  
habet quo altius ascendat; quàm si unâ nobiscû supplex  
ambiat pedes Tuos; quibus substratus HELIANI  
CARMELI vertex, calcari non renuit: dum immor-  
talia virtutum Tuarum, & paterni in omnes Amoris ve-  
stigia, legit & coronat. Compendium hoc altioris Sapien-  
tiæ, in Te altissimo Ordinis Nostri Præside, inuenit, un-  
de celsius assurgat: dum Illam omnis Encyclopædiæ Sedem,  
tota Pallade infessum Caput Tuum veneratur ac stupet:  
quod & Sapientia nuper Romana Sapientissimum audiit;  
& laurus coronaq; honoris multiplex gloriose incinxit.  
Umbram verò laboris nostri, dum luci publicæ commit-  
timus: unde illustrius patrociniû habeamus? quâ si à stellis  
Tuis oriturû exoremus; quæ dum inter Carmeli Sydera,  
primæ magnitudinis loco eminent; non minus lucent quâ  
patent omnibus. Diem circumferre potius, quàm noctium  
tenebris inuolui natæ, neutiquam fuere Pleiades: sudum



serenumq; extra nubila quæuis Carmelum faciunt: turbi-  
nes nimboſq; tristes non prouocant; sed dulci gratiarũ pro-  
cella, & aureo verius imbre, in omnium vota & amores  
depluunt ac exundant. His monstrantibus astris viam;  
currimus in odorem quoq; Liliorum Tuorum: trahimurq;  
illo Paterni cordis Tui candore, qui illime ebur niueſq; ſu-  
as, è candida HELIANI Imperij Trabea, & basilico auiti  
Decoris Lilieto, plus quàm dibaphas fecit; geminâ hono-  
ris virtutiſq; tincturâ, duplici velut Helix Spiritu imple-  
uit & ornauit. Percurrit ac recreat Carmelum quâ patet  
vniuerſum, perfectiſſima, in trino Principe Florum, Lilio  
Tuo, ſuauiſſimæ moderationis fragrantia: quidni in Arc-  
nenſi Violeto Hyblam peculiarem ſpiret? ubi Regalibus o-  
lim Purpuris, Polonia Regina, Lilium inter Spinæ MA-  
RIA, non ſuauem minus quàm ſalutarem, ſterilibus ab are-  
nis odoris ſecunditatem parturiſt, interq; tot ſauetiſſimos  
cæleſtium gratiarum Fauonios, milleq; Ambroſias, hîc ſibi  
perennem Hymetthum eſſe voluit. Arenæ non aureo fluctu  
geminarumq; procellis tumida, ſed Mari gratiarũ felices,  
eo ſubiecta venerationis tributo, Tuæ in ſe gratiæ & affe-  
ctûs paterna veſtigia ſignât. In, nobis quidquid in illis eru-  
ditum ſurgit; ad Tuos decreſcit pedes, vt ſub Tuo ſecun-  
dius creſcat, eminentius ſurgat patrocinio. Pijs itaq; in Tui  
cultû, conatibus noſtris, plena Lilijs Manus Tua, paterno  
ſauore annuat, & votis ſubſcribant Aſtra ſecundis: vt illa  
diutiſſimè nobis dulci imperio floreant; hæc intaminatis  
fulgeant honoribus; tot ab Arenis vota fundimus, quot a-  
renæ maris ſunt. Ita vouet & precatur.

Reuerendiſſimæ Paternitatis Veſtræ,

Deuotiſſimum.

Studium formale Theologicû FF. B. V. M.  
de Monte Carmelo Conuentus Cracouiën.





# CONCLVSIONES SACRÆ THEOLOGIÆ.

## I.

**T**heologia est vera Scientia ; magis Speculatiua quàm Practica, si secundum se, & ex parte finis sui intrinseci spectetur. Obiectum eius principale est **D E V S**, partim vt existens, partim vt remunerator. Conclusio eius supernaturalis est. Entis supernaturalitatem per illud explicando, quod sit ratio superans exigentiam illius, cui, siue vt Causæ Materiali, siue vt Causæ Efficienti, aliquid esse supernaturale dicitur.

## II.

**D E U M** existere, & quidem vnum sine pluralitate, Fides docet, & ratio demonstrat : vnde in nullo homine, quantumuis rudis & hebetis ingenij, si ratione vtatur, dari potest vnus **D E I** existentis ignorantia positiua inculpabilis ; licet in tali homine, rudi, sibi relicto, ignorantia negatiua inculpabilis dari possit.

## III.

**I N D E O**, qui est in omni genere entis infinitè perfectus, dantur perfectiones, quæ Attributa dicuntur ; est igitur **D E V S** Immutabilis ; Æternus ; Immensus ; Simplicissimus, sine vlla intrinseca distinctione Essentiæ ab Attributis, aut Attributorum inter se ; proinde has & similes Propositiones, *Paternitas generat, Essentia non generat ; Filiatio produciuntur, Essentia non produciuntur* ; Fide credimus, sed ratione non assequimur ; quæcunque enim excogitata distinctio, erit vel ad illas verificandas inutilis, vel simplicitati **D E I** iniuriosa.

## IV.

**V**isio beatifica est clara **D E I**, prout in se est cognitio ; hæc per nullam Speciem creatam, siue Impressam, siue Expressam, haberi potest ; sed per solam visionem Increatam, Beatorum mentibus unitam, in qua vnione vel apparentem aliquam,

A

osten-



ostendi posse implicantiam diffidimus; cum similem de facto credendam Nobis Catholica fides proponat. Hâc visione positâ, pro meritorum inæqualitate dabimus inæqualem, si verò Creatam supponas, pro intellectu cæteris paribus inæqualitate. Beati clarè vident DEVM vnum & Trinum, adiuti Lumine gloriæ, ab ipsa visione Increata, sub munere eleuantis intellectum supra vires suas naturales spectatâ, realiter non distincto.

V.

Intellectum esse visionis capax subiectum, satis conuenit; nõ ita, an Oculus Corporeus sit tale: si tamen sumatur, quâ in uirtutem mentis quodammodo conuersus fauorabilem habere poterit S. Augustini mentem. Beati visione beatificâ, formaliter ex parte vnionis præscindere possunt. Probabilius videtur, etiâ alijs Sanctis, præter Christum, & Deiparam Virginem, concessam fuisse in hac vita mortali transeunter visionem beatificam.

VI.

Omninò probabile est, quòd Beati ea omnia videant; quæ in via per Fidem infusam crediderunt; etiâ futura, quæ pertinent ad statum illorum, quem in sæculo habuerunt, vno die Iudicij vltimi excepto; idq; in verbo siue Essentia Diuina, vt obiectiue sua visione. Et si omnes omninò Creaturas, etiâ possibles viderent, DEVM minimè comprehenderent.

VII.

Cognoscit DEVS Futura Contingentia Libera certò & infallibiliter Scientiâ visionis; quâ etiâ, secundum quod adiunctam habet voluntatem Diuinam, attingit efficienter Creaturas. Conditionatè autem futura, cognoscit DEVS per scientiam latè Mediam, quam solùm & non strictè Mediam admittendam esse, resoluius.

VIII.

Voluntas DEI quâ contingenter libera, non per quemcûque effectum Omnipotentia Diuinæ, sed per solam volitionem Creatam Essentia Diuinæ per modum vnionis hypostaticæ intrinsecè adhærentè, rectè constituitur. Non omnis respectu Obiecti sui totalis semper adimpletur.

IX.

DEI ad Nos non datur rigorosa Iustitia, hoc sensu, quod ipse ex debito iuris nostri aduersus ipsum rigorosa, & in solidum, teneatur facere, & semper faciat nobis, quod hic &

nunc



nunc nobis retribuit. Prouidentiam DEI consistere, tùm in actu intellectus, tùm in actu voluntatis, defendimus.

X.

PRædestinatiô est præscientia & præparatio beneficiorum. DEI, quibus certissimè liberantur, quicunq; liberantur. Hâc liberantur homines, à damnatione, quâ iam tenentur, obstricti; non quidem per gratiam actualem à voluntate humana determinabilem, sed per gratiam actualem, voluntatis humanæ efficacitèr ad finem vsq; determinatiuam, nulloque peccato mortali interrumpendam, idq; gratis omninò. Mali posituè reprobantur ex præuiso peccato lethali finali, nulli ex mero DEI beneplacitò.

XI.

Tres sunt qui testimonium dant in Cælo, Pater, Verbum, & Spiritus Sanctus, & hi tres unum sunt: hic cæcutit ratio Nostra Naturalis: supposita tamen reuelatione, nonnullæ pro hac veritate adferri possunt congruentiæ purè Naturales.

XII.

Pater à nullo est factus, nec creatus, nec genitus: constituitur igitur formaliter non Processione aliqua sed relatione generantis ad Filium, & Spirantis ad Spiritum Sanctum.

XIII.

Filius à Patre solo est, non factus, nec creatus, sed genitus, generatione actiuâ, passiuæ indiuisibiliter obiectiuè identificatâ. Spiritus Sanctus à Patre & Filio, non factus, nec creatus, nec genitus, sed procedens, spiratione actiuâ, passiuæ indiuisibiliter obiectiuè identificatâ.

XIV

Filius gignitur, quia procedit à principio quo ex se necessario, scilicet intellectu; Spiritus Sanctus verò non gignitur, quia procedit à principio quo ex se libero, id est voluntate.

XV,

Nihil vetat admittere in Deo tres existentias Relatiuas, & vnâ Absolutam. Relatiuæ autem vt tales perfectiones sunt, non simpliciter, sed cum addito, vt Relatiuæ.



XVI.

**N**on datur Subsistentia quarta absoluta, quatenus hæc significat id, quod naturam ultimò terminat, & dat illi esse incommunicabile alteri tanquam supposito. Tres autem Subsistentias Relatiuas, positiuas reales esse affirmamus.

XVII.

**V**erbum procedit ex omnium omninò intuitiua **DEI** Patris cognitione, ac proindè Essentiæ, Attributorum, Personalitatum, & Entium possibilium; non tamen ex cognitione intuitiua futurorum, nisi quâ parte Increata est, & formale constitutum creatum, quâ contingens non inuoluit.

XVIII.

**R**ecta Fides docet contra Græcos Schismaticos, Spiritum Sanctum à Patre & Filio, vnica spiratione procedere, idque vero similis liberè, non quidem libertate contingentie, sed libertate Spontaneitatis siue Processionis Naturalis Voluntatis Diuinæ.

XIX.

**I**n hypothesi, quâ Spiritus Sanctus non procederet à Filio, procedere tamen à Patre per voluntatem supponitur; adhuc Spiritum Sanctum distingui realiter à Filio firmiter tenemus.

XX.

**M**issio Diuinarum Personarum in eo specialiter consistit, quod sit vnus Personæ Diuinæ ab alia Processio aterna ad temporalem apparentiam, vel operandum temporaliter aliquem effectum insolitum.

XXI.

**G**ratia, virtus subiiciens appetitum rectæ rationi, immunitas ab ignorantia in qua hodie nascimur, à morte corporea, & cæteris corporeis miserijs, fuerunt in primo homine gratuita **DEI** beneficia, non Naturalis eius conditio.

XXII.

**S**ine gratia actuali interna nihil potest homo vt oportet. ad Salutem, vt **DEVM** supernaturaliter amare, tentationem vel vnâ grauem superare, totam legem naturalem longo tempore seruare; potest tamen **DEVM** amare Natu-

raliter



taliter super omnia, actum aliquem bonum internum & honestum elicere, & leues ac mediocres tentationes distributiuè superare.

XXIII.

PRæter gratiam sufficientem communem bonis & malis, rectè assignatur gratia efficax pro solis prædestinatis quâ DEVS operatur in eis velle & perficere; ipsum velle sic donans, vt etiam illam mutabilitatem, quâ possint nolle quocunque instanti determinato, non auferat.

XXIV.

GRatiâ habitualis est homini iustificato intrinsecè in hærens. Sistendo in ratione realiter non distinguitur à Charitate habituali, secùs ab actuali, quæ vti etiam Contritio perfecta, est vltima dispositio ad gratiam Sanctificantem, non verò ipsa Forma Sanctificans.

XXV.

HÆc gratia Sanctificans, non ita cum peccati Mortalis essentia pugnat, quin in eadem anima de absoluta DEI potentia componi valeat: contrarium de Contritione perfecta asserimus.

XXVI.

ATTentâ lege supernaturalium ordinariâ, Iustorum opera, facta ex gratia, sunt de condigno vitæ æternæ meritoria; secùs dicendum, attentâ lege supernaturalium extraordinariâ. Meritum in Spe, nobis suspectum est.

XXVII.

AD meritum propriè dictum, requiritur libertas à necessitate, sufficit tamen, quæ à Capite morali participatur. Voluntas determinata ad duos actus omninò æquales, vnum præ alio eligendo, non meretur.

XXVIII.

AD meritum præmij supernaturalis, præter statum Sanctitatis, requiritur actus honestus supernaturalis, licet non

B

debeat



debeat procedere ex motiuo Charitatis; non esse tam intensus, ac habitus, à quo procedit.

XXIX.

Vnus aut plures gradus præmij respondent, non solis, actuum Charitatis, à iusto elicitorum gradibus, sed cuiuslibet etiam inferioris virtutis, modo tales actus in statu viæ eliciantur, qui tam diu durat, quam diu agit homo vitam mortalem, sub lege mortalitatis.

XXX.

Ultima ad Iustificationem extra Sacramentum dispositio meretur primam gloriam; item primo suæ existentiae instanti primam gratiam habitualem. Perseuerantiâ in actu secundo vt præmium, non vt principium, cadere potest, sub condignum meritum procedens ex gratia Speciali Christi.

Ad M. D. M. N. A. & S. P. E.  
aliorumq; SS. O. N. Gloriam.

Publico exponentur Certamini Cracouiæ ad  
Miraculosas DEI MATRIS ARENAS in Studio Generali  
Ordinis Fratrum Beatissimæ Virginis MARIÆ de Monte Carmelo.

Ad obiecta Respondebit R. P. ZENOBIVS KRASZOWSKI S. Theol: Cursor eiusdem Ordinis.

Sub Præsidentia R. ac V. P. MARTINI BEHM. S. Theol: in Alma Vniuersitate Cracouiensi Doctoris dicti Studij Regentis ac Præfecti.

Anno Domini 1681. Mense Iunio Die 22. Horis Pomeridianis.



7. xxii. 21





Biblioteka Jagiellońska

s1dr0021299



